



Халқ сўзи

Ўзбекистон —
келажаги
буюк
давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2016 йил 8 июль, № 132 (6567)

Жума

Сайтимизга ўтиш учун QR-кодни телефонингиз орқали сканер қилинг.



ГЎЗАЛ ВА БЕТАКРОРИМСАН, МУҚАДДАС ВАТАНИМ, ЖОНИМ СЕНГА ФИДО, ЎЗБЕКИСТОНИМ!

ШАРҚ ДУРДОНАСИНИНГ МАФТУНКОР ТАБИАТИ



Йиллигига

Буюк Ипак йўлининг марказида жойлашган Ўзбекистоннинг бетакрор табиати, ноёб тарихий обидалари, номоддий маданий мероси азал-азалдан дунё аҳлини ўзига мафтун этиб келади. Зотан, Самарқанд, Бухоро, Хива каби қадимий шаҳарларимиздаги ниллий гумбазли осориатқалар жаҳоннинг ҳеч бир ерида учрамайди. Шунинг учун ушбу муаззам диёрни Шарқнинг дурдонаси, жаннатмонанд ўлка, дея эътироф этишади.

Айниқса, юртимиз бебаҳо флора ва фаунага эгаки, унинг тароватидан йилнинг тўрт фаслида ҳам бирдек баҳраманд бўлиш мумкин. Буни экспертлар бир неча биогеографик ҳудудлар айна шу жойда туташгани билан изоҳлашади.

Яъни республикаимиз рельефи ўзига хос бўлиб, у 10 паст-текислик ҳамда 12 тоғли кўри-нишдаги геологик тизимдан иборат. Бундан ташқари, унинг ландшафти ҳам ниҳоятда ранг-баранг. Соҳага доир илмий экспедиция натижаларига қараганда, мамлакатимиз ҳудудига ўн беш минг турга яқин умурт-

қасизлар ва етти юз турдан зиёд умуртқали жониворлар, ҳайвотот дунёсининг эндемик эллик уч тури, масалан, Северцов тоғ кўйи, Рустамов сцинк геккони фақатгина бизнинг ҳудудда учраши фикримизнинг яққол тасдиғидир.

Шу билан бирга, ўлкаимиз флорасида 4500 турдаги ўсим-

лик мавжуд бўлса, уларнинг 130 таси, шу жумладан, лола, эремурус, астрагал каби наботот намуналари айнан бизнинг табиатимиз мулки ҳисобланади. Қолаверса, грек ёнғоғи, оддий ва Бухоро бодом, анор, Сиверс олмаси, писта каби мевали дарахтлар ёввойи табиатимизда асл ҳолида сақланиб қолган-



ки, улар озиқ-овқат саноатида муҳим хом ашё бўлиши баробарида, қишлоқ ҳўжалигида янги ва бебаҳо навларни яратишда генетик асос бўлиб хизмат қилмоқда.

(Давоми 4-бетда).

МАҲАЛЛА — ДЕМОКРАТИЯ КЎЗГУСИ

Аввал хабар қилинганидек, шу кунларда “Фуқаролар йиғинларининг энг намунали диний маърифат ва маънавий-ахлоқий тарбия масалалари бўйича маслаҳатчиси” кўриқ-танловининг ҳудудий босқичлари “Гўзал ва бетакроримсан, муқаддас Ватаним, жоним сенга фидо, Ўзбекистоним!” шиори остида ўтказилмоқда.

ТАЖРИБА ВА МАҲОРАТ МАКТАБИ

“Маҳалла” ҳайрия жамоат фонди томонидан Ўзбекистон Хотин-қизлар кўмитаси, Дин ишлари бўйича кўмита, “Камолот” ЁИХ, Ички ишлар, Халқ таълими, Маданият ва спорт ишлари, Соғлиқни сақлаш вазирликлари, Республика Маънавият тарғибот маркази, “Нуроний” жамағатлари, Касаба уюшмалари Федерацияси Кенгаши ҳамкорлигида ташкил этилаётган ушбу танлов фуқаролар йиғинлари фаоллари, хусусан, маслаҳатчилар билим ҳамда малакасини ошириш, шу орқали маҳалла институтининг нуфузини янада юксалтиришга қаратилгани билан аҳамиятлидир.

Танловнинг **Жиззах вилояти** босқичи ҳам юқори савияда уюштирилди. Унда жорий йилнинг ўтган даврида ҳудуддаги 303 та фуқаролар йиғинида фаолият олиб бораётган диний маърифат ва маънавий-ахлоқий масалалар бўйича маслаҳатчилар томонидан миллий кадрятларимизни асраб-авайлаш ҳамда ривожлантириш, эзгу аъналарни улуг-

лаш, аҳоли ўртасида, айниқса, ёшлар орасида ёт гоълар тарқалишининг олдини олиш бўйича 25 мингдан зиёд, оилавий низоларни ижобий ҳал этишга қаратилган 2,5 мингдан ортқ ва ёш оилаларни мустаҳкамлашга йўналтирилган мингдан кўпроқ тадбирлар ташкил этилгани таъкидланди.

Байрамона руҳда кечган танловда иштирокчилар фаолиятдан ҳикоя қилувчи кўргазма намойиш қилинди. Уларда маҳалла ҳаёти, аҳоли ўртасида соғлом турмуш тарзини қарор топтириш, ибратли миллий аъна ҳамда урф-одатларимизни ривожлантириш ва маънавий муҳит барқарорлигини таъминлаш борасидаги ишлар фото-альбом, плакат ҳамда стендлар орқали очиб берилди.

Кўриқнинг вилоят босқичида фуқаролар йиғинларининг 13 нафар диний маърифат ва маънавий-ахлоқий тарбия масалалари бўйича маслаҳатчиси қатнашди.

(Давоми 2-бетда).

Ўзбекистоннинг нодавлат нотижорат ташкилотлари билан ҳамкорлиги хитойлик экспертлар нигоҳида

Маълумки, кейинги йилларда мамлакатимизда нодавлат нотижорат ташкилотлари ва давлат тизимлари ўртасида ижтимоий шерикликни ривожлантириш юзасидан аниқ мақсадга йўналтирилган чора-тадбирлар амалга ошириляпти. Қисқа давр ичида бу борада салмоқли натижаларга эришилдики, улар дунё экспертлар ҳамжамияти томонидан ўз эътирофини топиб, атрофлича ўрганилаётир.

БИЗ ВА ЖАҲОН

Хусусан, **Шанхай Халқаро тадқиқотлар университети** вакиллари “Жаҳон” ахборот агентлиги учун берган интервьюлари чоғида Ўзбекистоннинг нодавлат нотижорат ташкилотлари билан ўзаро ҳамкорликни ривожлантириш соҳасида орттирган тажрибаси юзасидан ўз фикр-мулоҳазаларини баён этдилар.

Жумладан, ушбу олий ўқув юрти ҳузуридаги **Марказий Осиё мамлакатлари тадқиқотлари маркази ижрочи директор Чжан Цици** Ўзбекистонда бир неча маро-

таба бўлганини маълум қилар экан, мамлакатимиз ҳуқуқий демократик давлат ҳамда кучли фуқаролик жамиятини барпо этиш йўлида эътиборга молик қадамлар ташлаётганини айтди.

— Республика сўзда эмас, балки амалда давлат ва жамият ҳаётининг барча соҳасини либераллаштириш ҳамда демократлаштириш билан боғлиқ ўзгаришларни амалга оширяпти, — деди эксперт. — Фуқаролик институтлари ривожланишини ҳар томонлама қўллаб-қувватлашга йўналтирилган

аниқ чора-тадбирларнинг қабул қилинаётгани жаҳонда катта қизиқиш уйғотмоқда.

Сўнгги йилларда Шанхайда фуқаролик жамияти институтларини ривожлантириш соҳасида Ўзбекистон тажрибасининг муҳокамага бағишланган қатор давра суҳбатлари ва илмий-амалий конференциялар ўтказилди. Хитой экспертлар ҳамжамияти юртингизда амалга оширилган кенг қамровли демократик ислохотлар мамлакатингизнинг халқаро обрў-эътиборини янада юксалтиришга кўмаклашга-

ни юзасидан яқдил фикр билдиришляпти. Биз диёрингизда ижтимоий-иқтисодий соҳаларда эришилган тараққиёт даражасини юқори баҳолаймиз. Қолаверса, мамлакатингизда ҳукм сураётган тинчлик-осойишталик ҳам ривожланишининг “Ўзбек модели” ҳаётга муваффақиятли татбиқ этилаётгани натижаси, деб ҳисоблаймиз.

Ўз навбатида, **Марказий Осиё мамлакатлари тадқиқотлари маркази ижрочи директори ўринбосари Ян Бо** кенг миқдосли ижтимоий-иқтисодий ҳамда ижтимоий-иқтисодий ислохотлар Ўзбекистонда фуқаролик институтлари мақомининг янада мустаҳкамланишига алоҳида ҳисса қўшаётганини қайд этиб, мамлакатимиздаги ўзини ўзи бошқариш органлари фаолиятига юқори баҳо берди.

(Давоми 2-бетда).

Ижтимоий шериклик

хайрли ташаббус ва эзгу гоълар рўёбига хизмат қилмоқда

“Ислохот — ислохот учун эмас, аввало, инсон учун” тамойили мамлакатимизда олиб борилаётган демократик янгилашларнинг асоси ҳисобланади. Турмуш тарзини ривожлантириш, дунёқарашимиздаги ўзгаришлар, аҳоли барча қатламида ижтимоий фаоллашув сезиларли даражада ошаётгани бунинг ёрқин ифодасидир.

КУЧЛИ ФУҚАРОЛИК ЖАМИЯТИ САРИ

Бинобарин, давлатимиз раҳбари раҳнамолигида инсон ва унинг манфаатлари йўлида рўёбга чиқарилаётган кенг қўламли ишлар, эзгу гоъ ҳамда ташаббуслар жамият ҳаётининг

барча жабҳасида ўзининг амалий тасдиғини топмоқда. Мана шундай шароитда, табиийки, фуқаролик жамияти институтлари, жумладан, нодавлат нотижорат ташкилот-

лари ҳам жадал ривожланиб бораётир. Фуқаролар ҳуқуқ ва манфаатларини ҳимоя қилиш, жамиятда соғлом ижтимоий-маънавий муҳитни қарор топтиришга кўмаклашадиган мазкур институт пировард мақсад — халқимизнинг тинч, осойишта ҳамда фаровон турмуш кечиришини кафолатлашга йўналтирилган кўнун ҳужжатлари, давлат ва ҳудудий дастурлар ижросини таъминлашда муносиб қатнашмоқда.

(Давоми 2-бетда).

САМИМИЙ ҚУТЛОВЛАР

Муборак Рамазон ҳайити муносабати билан Ўзбекистон Республикаси Президенти Ислам Каримов номига хорижий мамлакатлар ва халқаро ташкилотлар раҳбарлари номидан самимий қутловлар келмоқда. Уларда давлатимиз раҳбарига мустаҳкам соғлиқ, муваффақиятлар, Ўзбекистон халқига тинчлик-хотиржамлик, равнақ ва фаровонлик тилаб, эзгу истаклар билдирилган.

Жумладан:

Америка Қўшма Штатлари Президенти **Барак Обама**;

Икки муқаддас masjid ходими, Саудия Арабистони Подшоҳи **Салмон бин Абдулазиз Ол Сауд**;

Саудия Арабистони Подшоҳлиги Валиаҳди, Вазирлар Маҳкамаси раисининг ўринбосари, ички ишлар вазири **Муҳаммад бин Нойиф бин Абдулазиз Ол Сауд**;

Саудия Арабистони Подшоҳлиги Валиаҳди ўринбосари, Вазирлар Маҳкамаси раисининг иккинчи ўринбосари, мудофаа вазири **Муҳаммад бин Салмон бин Абдулазиз Ол Сауд**;

Ўмон Султони **Қобус бин Саид**;

Миср Араб Республикаси Президенти **Абдулфаттоҳ Саид Хусайн Ас-Сиси**;

Озарбайжон Республикаси Президенти **Илҳом Алиев**;

Эрон Ислам Республикаси Президенти **Хасан Руҳоний** ўз табриқларини йўллаганлар.

Қутловлар келиши давом этмоқда.

ДИЛ СЎЗИ

Президентимиз ўтган ҳафтада жойларда амалга оширилаётган бунёдкорлик ва ободонлаштириш ишлари билан танишиш мақсадида Сурхондарё ҳамда Қашқадарё вилоятларига ташрифи давомида биз, воҳа миришкорлари меҳнатига ҳам юқори баҳо бердилар.

ЮКСАК ИШОНЧ МАСЪУЛИЯТИ

Айниқса, давлатимиз раҳбарининг фермер ва деҳқонларимиз учун масъулиятли бўлган шу кунларда сизларнинг ёнингизга келиб, дилдан суҳбатлашиш, хол-аҳвол сўраш, ҳорманг, дейиш менга катта мамнуният бағишлайди, деган сўзларидан жуда тўлқинланиб кетдик.

Аслида, бу соҳада эришилаётган муваффақиятларнинг бош омили ер эгалари доимий қўллаб-қувватланаётганида, деб биламан. Айниқса, уруғлик, ёнгли-мойлаш материаллари ҳамда ўғит таъминоти, замонавий техника воситаларини сотиб олиш борасида йўлга қўйилган самарали механизм қишлоқ мулкдорининг кўпроқ деҳқончилик, пахта ва ғалла парвариши билан шуғулланиши учун имконият яратиб берганини алоҳида таъкидлашни истардим. Бу эса, ўз навбатида,

ер унумдорлигини ошириш, юқори ҳосил етиштиришга хизмат қилаётгани билан аҳамиятлидир.

Истиқлол шарофати билан деҳқоннинг елкасига офтоб теккани рост. Фермер бўлди. Эл орасида ҳурмат-эътибор қозондик. Бугун кўлимизни қаерга узатсак, етади. Заминдан ризқ унидириб, халқимизга улашяпмиз. Ортгани ўзимиз, жамоамиз аъзолари турмушга файз киритмоқда. Муҳими, меҳнатимизнинг роҳатини кўраямиз.

Мана, бу йил мўл ҳосил етиштириб, давлатга 76 тонна ғалла сотдик. 54 тоннаси жамоамиз ихтиёрида қолди. Очиғи, об-ҳаво инжиқликлари келтирган ташвишлар унутилди, чарчоғимиз тарқади. Ишончни оқладик. Вилоятимиз хирмони ҳам, деҳқонларимиз омбори ҳам донга тўлди.

(Давоми 2-бетда).



Мустақил тараққиёт ва халқимиз фаровонлигининг ёрқин тимсоли
Ижодим илҳоми ўзингсан, Ватан!

